

## Universitätsbibliothek Paderborn

### Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et  
Varietas Patitvr ...

Quas Prima Pars Et Prima Secundæ Divi Thomæ Complectvntvr -  
Qvæstiones Insvper Ad Mores & praxim spectantes, quæ peculiarem cum  
Scholasticis habent connexionem, declarantur

**Carleton, Thomas Compton**

**Leodii, 1659**

Sect. II. Alia quædam circa appellationem ac notionem Patris, ubi etiam de  
innascibilitate.

**urn:nbn:de:hbz:466:1-13718**

## SECTIO SECUND A.

*Alia quedam circa appellationem & notionem Patris: Vbi etiam de innascibilitate.*

I. **N**OMEN Patris, ut Sectione precedente vidimus, duobus modis sumitur, nationaliter & essentialiter: notionaliter sumptum est primae Personæ proprium, sola siquidem prima Persona generat Filium: acceptum vero essentialiter, seu prout respicit creaturas, ut cum dicitur *Pater noster*, *Pater Misericordiarum*, &c. toti, ut diximus competit Trinitati, omnibusque & singulis Personis, utpote quæ omnes per eandem potentiam & actionem, ad extra simul operantur, quoties creatura aliqua producitur: sic Job. 38. v. 28. dicitur, *Quis est pluvia Pater? aut quis genuit filias roris?* Unde & duplex similiter est in Deo Paternitas, notionalis, & essentialis; nos vero deinceps de solâ notionali, ejusque proprietatibus loquemur.

II. **C**ertum est<sup>4</sup> Paternitatem omnino esse imprimitam.  
*Duplex in Deo Paternitas.*  
Sicut ergo Pater est imprimitus, juxta illud S. Athanasi in Symbolo, *Pater à nullo est factus, nec creatus, nec genitus;* ita & Paternitas est omnino imprimita: si enim Paternitas produceretur, Pater etiam produceretur; sicut ideo Filius & Spiritus Sanctus vere sunt producti, quia Filiatio & Spiratio passiva producuntur. Utrum autem Paternitas in se imprimita, dici nilominus possit, vel a naturâ, vel alia divinâ perfectione ratione nostrâ procedere, res est parvi momenti, nec opere pretium existimo illius discussioni insister.

III. **P**rincipium quod hic inquire solet, est circa Innascibilitatem, de quâ nonnulla dicta sunt supra, Disputatione quinquagesima-prima, sectione 3. num. quinto & sexto, & Sectione precedente, num. sexto, sub nomine *Ingenitus*, eadem siquidem est utriusque vocis significatio. *Innascibile* ergo, seu *Ingenitus*, tribus modis sumitur: primò ut idem sit quod increatum, sic autem, non peculiare Patri, sed omnibus tribus Personis

est commune. Secundò prout illam solam professionem excludit, quæ appellatur generatio; & hoc modo sumptum hoc nomen convenit etiam Spiritui Sancto: hic enim, non per generationem, sed per spirationem producitur. Tertiù demum idem est, ac omnino improductum, & hac ratione *Innascibilitas*, propriè conferit Patri, utpote qui omnis passiva productionis est expers: quo sensu loquitur Concilium Toletanum II. dum dicit *Spiritum Sanctum, nec genitum esse, nec ingenitum.*

Difficultas est, utrum *Innascibile*, seu *Ingenitus* in positivo formaliter, an in negatione consistat. Eam in positivo statuunt nonnulli. Communis tamen Theologorum sententia affirmat Innascibilitatem in negatione consistere: ita S. Thomas hic, quæstione trigesima-tertiâ, articulo quarto. Soctus in primo, distinctione 28. quæstione secundâ, articulo primo. Molina, Suarez libro octavo de Trinitate, cap. 2. num. 6. Granado primâ parte, tract. 7. disp. 2. num. 5. Tannerus hic, disp. 4. dub. 1. numero decimo, & alii.

Hoc aperte docet S. Augustinus libro quinto de Trinitate, cap. septimo, à S. Thoma citatus: *Cum ingenitus, inquit, dicitur Pater, non quid sit, sed quid non sit dicitur;* idemque illuc late proficitur. Idem docet S. Cyrillus Alexandrinus, idem S. Damascenus, & alii. Ratio autem est; tum quia ipsum nomen fonat negationem; tum etiam, quia si Pater, entitatem suam positivam quam habet, fingeretur accipere ab alio, periret in eo prædicatum *Ingenitus*, seu *Innascibilis*; cum tamen in hoc casu aliud nihil tolleretur, præter negationem productionis: ergo in hac negatione consistit *Innascibilitas*.

Fundatur quidem hac negotio in entitate positiva, nempe Paternitate; hoc tamen non magis arguit eam consistere in positivo, quâm quod alia prædicta, quæ communiter dicuntur esse negativa, consistant in positivo: omnia enim fundantur in Essentiâ, sicque nulla erunt in Deo attributa putè negativa. Quomodo vero *Innascibilitas* constitutat quintam notionem dictum est supra, Disp. 51. sectione tertâ.

DISPV.

